

**Teroristički napad u Ahvazu**

**Karim Javadi**

## Teroristički napad u Ahvazu

Karim Javadi

Novinar



### Sažetak

Oružani napad koji se dogodio ujutro 22. septembra 2018. godine tokom vojne parade iranske revolucionarne garde, na obilježavanju “Sedmice svete odbrane”, u Ahvazu, predstavlja teroristički napad na Iran. U ovom terorističkom aktu poginulo je 25 a ranjeno na desetine pripadnika vojske i civila.

Ključne riječi: oružani napad, Ahvaz, Iran, vojna parada

Ovaj napad su ocijenili terorističkim aktom i osudili: Vijeće sigurnosti UN-a, Državno tajništvo SAD-a, Sirija, Pakistan te predsjednici Rusije i Afganistana kao i druge zemlje i istaknute političke ličnosti. Heather Nauert, glasnogovornica američkog državnog tajništva je iskoristila napad u Ahvazu kako bi iznova upozorila na pošast islamofobije i ignorirajući suštinu i tvrdnje grupe Al-Ahvaziya – a radi se o jednoj etničkoj separatističkoj grupi – izjavila: “Mi imamo informacije o napadu u Ahvazu tokom vojne parade. Pružamo podršku iranskome narodu pred svakim vidom napada ekstremnih islamističkih grupa i u ovom tužnom trenutku dijelimo s njima njihovu bol. Amerika osuđuje svaki teroristički akt u kojem stradavaju civili.”

Među neobičnim je i reakcija Abdullah Abdulkhaleqa, savjetnika Mohammad ibn Zayeda, prestolonasljednika UAE. Na svom twitteru je napisao: “Napad na pripadnike iranske revolucionarne garde tokom vojne parade u Ahvazu nije teroristički akt to je prelazna bitka u srcu izdvojenog Irana a što će još više eskalirati u narednoj etapi.”!

Odgovornost za ovaj napad je preuzela grupa DAEIŠ, a prema objavljivanju nekih medija grupa Al-Ahvaziya. Ova grupa je u saopćenju objavljenom na arapskom i engleskom jeziku odbacila navode o umiješanosti u teroristički akt u Ahvazu dok je DAEIŠ nakon nekoliko dana prihvatio odgovornost za napad.

Napad se dogodio oko 9 sati ujutro dok je marširala garda iz kasarne 92 u Ahvazu. Naoružani napadači koji su se skrivali na prostoru iza mjesta održavanja ceremonije pola sata nakon početka vojne parade zasuli su vatrom prostor kojim su marširali pripadnici iranske revolucionarne vojne garde, pripadnici armije IR Iran kao i posmatračke parade. Prema prvim izvještajima u napadu je poginulo 25 civila i pripadnika oružanih snaga a ranjeno je oko 60 osoba. Prema riječima dužnosnika iranske revolucionarne garde među žrtvama je bio i jedan četvorogodišnji dječak. Glasnogovornik oružanih snaga je saopćio da zbog udaljenosti napadača od svečane lože te zahvaljujući brzom intervenciji sigurnosnih snaga tokom napada nije nastradao niko od visokih državnih dužnosnika koji su prisustvovali paradi.

Arapska vojna skupina za oslobađanje Ahvaza – Al-Ahvaziya – prva je u razgovoru za TV Iran International preuzela odgovornost za ovaj napad koliko god DAEIŠ na sebe preuzimao ovu odgovornost. Yaqub Harr al-Tostari,

glasnogovornik separatističke arapske grupe Al-Ahvaziya u posebnom razgovoru za Deutsche Welle na perzijskom jeziku je kazao: “Ovaj pokret iz institucionalnih razloga u sadašnjem trenutku ne preuzima odgovornost za ovaj oružani napad. Ali nacionalni lideri Ahvaza prihvaćaju odgovornost za napad koji mi ocjenjujemo kao jedan legalan akt zbog preusmjeravanja vode u centralne regione Irana, zbog siromaštva, ugnjetavanja i egzekucija.”

Grupe povezane sa Al-Ahvaziyom distribuiranjem plakata su na sebe preuzimale odgovornost za napad na vojnu paradu u Ahvazu. Grupa Al-Ahvaziya je 23. septembra odbacila odgovornost za napad. U prvim satima nakon napada DAEIŠ je preuzeo odgovornost. Ali zbog intervjua glasnogovornika Al-Ahvaziye za TV Iran International u kojem je tvrdio da su nacionalni lideri Ahvaza, ne kazavši decidno grupa Al-Ahvaziya, odgovorni za ovaj napad prst optužbe je uperen u pokret Al-Ahvaziya, premda je iz razgovora bilo potpuno jasno da glasnogovornik Al-Ahvaziye nije imao nikakvih informacija sa terena o ovom dešavanju te je jasno kazao da se ova operacija dogodila bez njegovog znanja te da su ovo organizirale mlade osobe.

DAEIŠ je na Amaq News objavio dokument koji nedvosmisleno ukazuje na njihovu glavnu odgovornost za ovaj oružani akt. Potom je DAEIŠ objavio video snimak nekoliko osoba odjevenih u vojnu uniformu te iznio tvrdnje o planiranju i izvođenju ovog napada. Na ovom videu se zapaža da dvije osobe govore na arapskom a jedna na perzijskom jeziku.

Amaq News je na svojoj stranici objavio: “Jedan sigurnosni izvor je rekao da su specijalne snage DAEIŠ-a izvršile napad na grupu iranskih snaga u Ahvazu na jugu Irana.” Nakon dva dana DAEIŠ je objavio jedan infograf o napadu na vojnu paradu u Ahvazu iz kojeg se vidi da je u napadu učestvovalo pet osoba. Ova grupa je iznijela tvrdnje kako je u napadu usmrćeno 40 a ranjeno 60 osoba.

Nakon objavljivanja nekoliko vijesti i distribuiranja filma, DAEIŠ je objavio i audio snimak sa fotografijama i infografom o operaciji u Ahvazu. Na tom snimku osoba pod imenom Ebu Hasan al-Mohajir izjavljuje da ovo neće biti posljednji napad uperen protiv IR Iran.

Izvršni direktor novine “Javan” Abdollah Gonji u bilješci pod naslovom “Ideološki ili etnocentristički terorizam?” naveo je sedam razloga zbog kojih je za teroristički akt u Ahvazu odgovoran DAEIŠ. Kao jedan razlog naveo je da su dva poginula terorista braća a da je njihov treći brat ranije u Siriji izveo

samoubilačku akciju. Jedan od terorista je stričević dvojice spomenute braće te da nema nikakve sumnje u njihovu povezanost sa DAEIŠ-om ili tekfirskim teroristima. Također usporede li se ovi poginuli teroristi sa osobama sa ranije objavljenog videa nedvosmisljena je njihova sličnost. Na temelju toga ovaj analitičar je kazao da ovaj akt nema nikakve veze sa etnocentrizmom.

Iran International, TV kuća koja djeluje protiv iranske vlasti pokrila je veliki medijski prostor izvještavajući o ovom terorističkom aktu u korist antiiranskih grupa. Agencija “Ofcom” koja nadgleda sadržaje i djelovanje medijskih kuća u Velikoj Britaniji izjavila je da vodi istragu o jednoj TV kući koja je u dosluhu sa Saudijskim a smještena je u Velikoj Britaniji. The Guardian je objavio članak u kojem, između ostalog, stoji da je Iran International prva TV kuća koja emitira program na perzijskom jeziku a koja je nakon terorističkog akta u Ahvazu intervjuisala glasnogovornika grupe Al-Ahvaziya. Jedan neimenovani izvor koji radi za Mohammada ibn Salmana, saudijskog princa, izjavio je za The Guardian da Saudijska Arabija za TV kuću Iran International izdvaja budžet od 250 miliona dolara.

Agencija “Ofcom” je potvrdila kako istražuje intervju Iran Internationala sa glasnogovornikom Al-Ahvaziye. Ova agencija je izjavila kako joj je prioritet ocjena onih segmenata djelovanja ovog TV kanala koji su u proturiječnosti sa pravilima plasiranja sadržaja. Hamid Ba’idi Nejad, iranski ambasador u Velikoj Britaniji je izjavio: “Irska ambasada u Londonu je Ofcamu uputila protestnu notu zahtijevajući da se ispita nezakonito postupanje TV kanala Iran International vezano za emitiranje intervju sa glasnogovornikom terorističke grupe Al-Ahvaziya... Također je zasebno zatraženo od britanske vlade da identificira članove ove terorističke grupe, zabrani njihovo djelovanje i protjera ih iz zemlje”.

The Guardian je napisao kako je Iran International jedna od TV kuća sa sjedištem u Londonu koju podržavaju neke osobe iz regiona Bliskog istoka. To su osobe koje nastoje utjecati na hiljade gledatelja. Stoga se i postavlja pitanje o finansijskim izvorima ove TV kuće i njenim relacijama sa Saudijskom Arabijom. U izvještaju The Guardian se, također, navodi da je Iran International formiran u maju 2017. godine., kratko vrijeme prije održavanja predsjedničkih izbora u Iranu prošle godine. Osim ovoga, u Velikoj Britaniji djeluju još dva TV kanala na perzijskom jeziku: BBC na perzijskom i “Man va to”. Prema ovom izvještaju Iran International svojim uposlenicima daje izdašne plaće koje su dvostruko veće od plaća konkurentskih TV kuća.